


佛說大乘十法經

八十六
服三

47638

11



元祿九年丙子二月日重脩

皇國聖國 帝階級昌

佛日增輝 懋輪常轉

山城州天安寺法金剛院置

法華經

佛說大乘十法經

梁宋扶南三藏僧伽婆羅

譯服



如是我聞一時佛在王舍城耆闍崛山中與
大比丘五千人俱無量菩薩眾今時彼大菩
薩眾中有菩薩摩訶薩名曰淨無垢妙淨寶
月王光集彼菩薩大眾中今時淨無垢妙淨
寶月王光菩薩摩訶薩即從座起捨蓮華臺
往至佛所偏袒右肩右膝著地合掌白佛言
世尊世尊大乘比丘住大乘比丘者何故名
住大乘比丘復以何義故此大乘名曰大乘
今時世尊告淨無垢妙淨寶月王光菩薩摩
訶薩言善哉善哉淨無垢妙淨寶月王光汝



佛說大乘十法經

梁宋扶南三藏僧伽婆羅

譯

服

如是我聞一時佛在王舍城耆闍崛山中與
大比丘五千人俱無量菩薩衆今時彼大菩
薩衆中有菩薩摩訶薩名曰淨無垢妙淨寶
月王光集彼菩薩大衆中今時淨無垢妙淨
寶月王光菩薩摩訶薩即從座起捨蓮華臺
往至佛所偏袒右肩右膝著地合掌白佛言
世尊世尊大乘比丘住大乘比丘者何故名
住大乘比丘復以何義故此大乘名曰大乘
今時世尊告淨無垢妙淨寶月王光菩薩摩
訶薩言善哉善哉淨無垢妙淨寶月王光汝

能問如來此甚深妙義善男子善思念之吾
當為汝分別解說爾時淨無垢妙淨寶月王
光菩薩白佛言世尊如尊教爾時世尊告淨
無垢妙淨寶月王光菩薩言善男子菩薩摩
訶薩成就十法名住大乘何等為十所謂成
就正信成就行成就性樂善提心樂法樂觀
正法行於正法及順法遠離慢我慢等事善
好通達諸密語不樂聲聞及緣覺等善男子
菩薩摩訶薩成就如是十法名住大乘善男
子菩薩摩訶薩成就不諂曲柔和行柔和行
彼能信諸佛如來正真正覺無上菩提善能
信一念中三世諸佛智信如來藏不斷常不

老死不可盡亦信實際法界一切種智一切
種智相諸力無畏不共佛法復信諸佛如來
不可灌頂亦信三十二大人之相八十妙好
圓光等法復信聲聞所說或緣覺所說菩薩
及餘所說亦信世間及出世間復信正行行
者順行等沙門及婆羅門亦信諸善根業報
最勝上愛果若天天王若人人王復信不善業報
最下惡不可樂聞不愛甚重鹿過或地獄畜生
餓鬼等處彼如是信已遠離三法何等爲三所
謂疑惑不決等事善男子菩薩成就如是諸
法名爲正信爾時世尊欲重宣此義而說偈言
信爲最上乘 以是成正覺 是故信等事

智者敬親近

信為最世間

信者無窮乏

是以信等法

智者正親近

不信善男子

不生諸白法

猶如焦種子

不生於根芽

善男子云何菩薩摩訶薩成就諸行善男子

菩薩摩訶薩剃除鬚髮以被正服慙重信心

捨家出家出家已習學菩薩威儀戒等諸行

或復聲聞威儀戒等諸行亦學緣覺威儀等

行彼如是或以所有身口意等同習煩惱彼

一切同滅是中何者身所有同習煩惱所謂

殺生偷盜惡欲邪淫刀杖瓦石等執慳悋於

他動手足等往來逃走等事是名身有同習

煩惱是中何者口家同習煩惱所謂妄語兩

舌惡口綺語恒說惡語毀謗甚深諸典於諸
尊長修梵行中廣說惡名是名口同習煩惱
是中何者意家同習煩惱所謂慳貪邪見嫉
妬樂著名聞利養親族姓慢色慢幼年慢無
患慢長壽多聞慢思惟慢欲覺妄想覺惡覺
親覺士覺飲食衣服卧具醫藥資用等覺著
處著乘著牀著諸飲食妻子男子營作利樓
奴婢等錢財穀麥倉庫貯積等事乃至著種
種資用之具彼如是惰著已所說事中若失
一事便生其憂苦惱妄想等事彼如是遠離
愛閨心已生於思惟善男子略說意業猶如
世間輪轉故說意業同習氣煩惱彼如是離

身口意業同習煩惱已於和尚所起其尊想
其阿闍黎所起和尚想於同梵行若老若少
起慙重恭敬彼獨在空閑之處作如是思惟
我不應作如是我為度一切衆生為解一切
衆生為令安調伏靜定衆生故發諸行然我
自不調伏不隱諸根未為寂滅我必修正行
今有見我者必得成受調伏亦順諸佛微妙
等教復令歡喜諸天神龍夜叉乾闥婆等善
男子此名為菩薩慙彼作如是思惟勿有令
我若道若俗於諸威儀行中取諸過失所謂
行戒行不正中或見形或威儀行或行資用
壽命行等彼如是慙愧已日夜之中六時觀

於持戒等法彼善持戒已無復疑悔今入任
如來佛法中無有休息善男子此之名為菩
薩愧善男子是名菩薩成就如是諸行尔時
世尊欲重宣此義而說偈言

諸佛行為本

及聲聞弟子

是故智者修

行行常堅固

諸菩薩大智

行諸無畏行

今證離垢道

諸佛所讚歎

善男子云何菩薩成就性佛子菩薩性成少
欲瞋恚愚癡等不如不悋不惱不說麤言不
欲瞋調戲不輕動調和柔輒已可親近性能
成就上妙供具供養諸佛所謂資用等財惠
施與他具足成就手足頭目等若見如來或

如來弟子見已即生恭敬歡喜之心善男子
菩薩如是名為性成就今時世尊欲重宣此
義而說偈言

相煙即知火

鴛鴦以顯水

復相知諸性

菩薩大名稱

柔和不諂曲

捨離慳嫉妬

愍念一切衆

名之為菩薩

善男子云何菩薩摩訶薩喜樂菩提心若有
菩薩摩訶薩體性微發菩提心時值佛菩薩
或聲聞緣覺等教化勸發而生阿耨多羅三
藐三菩提心是名喜樂初發菩提相彼聞菩
提及菩提功德已即發阿耨多羅三藐三菩
提心是名第二喜樂菩提相彼菩薩見諸衆

生無能救護無所歸依孤獨無能濟拔無覆
護無舍宅無有洲已即起悲愍心彼發心已
作如是念我今爲諸衆生作救護歸依濟拔
覆護舍宅洲等爲彼因緣故發無上菩提心
是名第三喜樂發菩提心彼若見如來或菩
薩聲聞緣覺等滿足諸行見已心生歡喜愛
故安心以是因緣發阿耨多羅三藐三菩提
心是名第四發菩提心彼菩薩爲諸衆生利
益安樂故行布施持戒修忍發精進行思禪
定修正慧云何菩薩行布施所謂須飲與飲
須食與食須乘給乘須牀榻敷具者給牀榻
敷具等須衣施衣須金銀寶冠環釧等諸莊

嚴具乃至已身皮肉潤益衆生彼如是行於
布施已然彼布施迴向發阿耨多羅三藐三
菩提雖施而不生我慢等心云何持戒成就
身口意業彼捨離身口意業等已善離能防
無礙無漏純淨無雜奉持禁戒然彼持戒迴
向阿耨多羅三藐三菩提雖行持戒然不起
我慢等心善男子云何菩薩修忍彼瞋罵說
枷鎖繫閉切割搥打若道若俗能忍能容不
起諸習等煩惱如是修忍已然彼迴向阿耨
多羅三藐三菩提雖修忍然不起我慢等心
善男子云何菩薩發精進心彼作如是念猶
如虛空界無量無邊衆生界亦無量無邊然

此衆生界我獨無二今安無餘涅槃界中是
以爲彼因緣故發行精進身不離身念觀受
彼觀受已觀心心行彼觀心心已順觀諸法
彼如是善憶念觀已爲未生諸不善惡法令
不生故起欲修勤精進持心等正行爲未生
諸善法今生故起欲修勤精進直心等正行
已生諸不善法爲今滅故起欲修勤精進持
心等正行已生諸善法爲今久住故復令增
長思故起欲修勤精進持心等正行彼發精
進已今成初如意足分如是第二第三乃至
成第四如意足分彼成就如意分能今住一
劫若減一劫或具足行今滿精進波羅蜜如

是發精進已然彼精進迴向阿耨多羅三藐
三菩提雖發如是精進然心不生憍慢善男
子云何菩薩思禪定行離意欲離意滅離欲
靜不依內不依外不依色不依受想不依識
不依欲色無色界不依空無相無願不依世
間出世間不依布施持戒忍辱精進等善男
子乃至略說一切有想繫縛等名爲禪如是
修諸禪然彼禪迴向阿耨多羅三藐三菩提
難思修此禪然不起我慢等心善男子云何
菩薩修智彼作如是念無量無邊衆生界令
入涅槃然無一衆生可入涅槃何以故如佛
所說一切法無我無衆生無命無壽無不伽

羅如是修觀智然彼智迴向阿耨多羅三藐
三菩提雖觀修般若然不起我慢等心善男
子如是菩薩摩訶薩樂菩提心尔時世尊欲
重宣此義而說偈言

猶如摩尼珠
倍明於本色

顯於寶藏中
成就如是性

師以加功用
求正菩提心

二邊既寂靜

令魔不得便

善男子云何菩薩樂法成就善男子若菩薩
性樂法喜法愛法彼若見沙門若婆羅門所
有資用命具飲食等事彼能奉上彼世間所
有受用等根莖枝葉華果等彼收已施諸眾
生持諸法者令往禮拜恭敬合掌迎接已殷

重敬納心有所疑處問於正義是以持法者
隨所聞義善能解釋彼於聞法者起世尊想
善知識想起同世間諸海想起和尚想阿闍
黎想久失導師世間曠野生死難中能訪覓
起訪覓想想久遠愚者闇閉目開故令起覺悟
想墜沒世間煩惱泥中而起濟拔之想想久遠
失正路爲作導師故而起導師之想想久伏在
世間牢獄能解故而起解者想想久遠著患療
治故而起良醫之想以煩惱火焦滅身令住
滅故而起大雲雨想彼爲法爲法因故能忍
寒熱風雨蚊虻等亦忍飢渴或見他人受樂
報者不起希求樂心然作如是念惟我世間

獨樂而我能聞正法彼為是事故為彼因彼
緣故不生憂悲苦惱恨等彼如是離憂悲苦
惱恨等已發如是心我堪能荷負如來所說
一法句故在阿鼻地獄住一劫若減一劫彼
如是無疲倦心已自然不行諸行而得一切
種智未得諸佛法而今速得善男子以是義
故菩薩名為樂著諸法亦時世尊欲重宣此
義而說偈言 大智樂諸法 而成諸佛子
親近正妙法 而不生疲倦 敬心求正法
諸深心佛子 及以心憶持 亦顯正妙行
善男子云何菩薩摩訶薩正觀諸法善男子
若菩薩作如是觀一切諸法猶如幻迷惑凡

夫故一切諸法如夢不實故一切諸法如水
中月非事故一切諸法如響非衆生故一切
諸法如影計妄想故一切諸法如響聲生滅
壞故一切諸法生滅壞緣假成故一切諸法
本不生不移同真如體故一切諸法不滅本
不生故一切諸法無作無作者故一切諸法
如虛空不可染故一切諸法定寂滅性不染
故一切諸法無垢離一切諸垢故一切諸法
性滅離煩惱故一切諸法非色不可見故一
切諸法離心境界無體性故一切諸法不住
滅諸毒故一切諸法不可求滅愛憎等心故
一切諸法無著離煩惱境界故一切諸法如

毒蛇離善巧方便故一切諸法如芭蕉無堅實故一切諸法如水沫體性弱故善男子菩薩如是觀名為正觀諸法

爾時世尊欲重宣此義而說偈言

一切法如幻

迷惑愚迷者

虛危猶如夢

汝等如是持

法如水中月

亦如響等事

復如影像等

智者諸不覺

善男子云何菩薩摩訶薩行法順法等善男子若菩薩摩訶薩觀色無常而不厭離色欲證於法已正智助法界同用等法善自觀入善持彼者諸相善思善記彼記此相善持善修善記已自然行法界等行受想行識亦觀

無常然不厭離識等之入法界已正智助同
法界等法善自觀達亦記彼相善持善修善
記已自然入法界等行如無常若空無我亦
余彼觀色無常已於色中不生恐怖驚等何
以故色是妄想顛倒所起然彼如實知觀受
想行識無常乃至於識中不恐不怖不驚何
以故識者妄想顛倒所起故然彼如實知善
男子譬如善巧幻師或幻師弟子化作種種
幻事象兵馬兵車兵步兵彼智者見已不生
恐怖驚等何以故彼如實知是幻師所作不
實未曾有虛誑詐菩薩亦如是觀色無常已
於色中不生恐怖驚等何以故色是妄想顛

倒所起然彼如實知觀受想行識無常已乃
至於識中不生恐怖驚等何以故識者妄想
顛倒所起故然彼如實知今時淨無垢妙淨
寶月王光菩薩白佛言世尊云何菩薩觀諸
色無常然不厭離色而證法界已正智觀入
助法界等法今時世尊告淨無垢妙淨寶月
王光菩薩言善男子吾當為汝分別說喻善
男子譬如有智男子常事諸毒善持善覆善
惜起我相已種種莊嚴具賀易然是不食彼
毒勿令我因此事斷其正命菩薩亦如是向
涅槃心潤向涅槃順向涅槃近取涅槃然不
證彼涅槃何以故勿令我因於此事退菩提

行善男子辟如有人事其火神然彼人日夜
香華等供養恭敬尊重讚歎親侍然彼人不
作是念我以事火供養恭敬尊重讚歎親近
已我以二手接取之何以故勿令我因此事
於身有苦於心有惱菩薩如是向涅槃心潤
向涅槃順向涅槃及取涅槃然後不證涅槃
何以故勿令我因此事退菩提行尔時淨無
垢妙淨寶月王允菩薩白佛言世尊如我知
世尊所說意趣菩薩者應住世間佛言如是
如是善男子菩薩應住世間問曰世尊云何
菩薩住世間而不以世間諸患所染佛言善
男子爲此事故略說一喻善男子辟如呪術

之人以大呪術力故以諸惡毒罔蛇等弄戲
然彼人不以此事斷其命根何以故以彼人
善通達呪術力故菩薩亦如是行世間住世
間住世間已大智方便呪力故共諸煩惱毒
虵而居戲暴亦弄行住坐則菩薩不以此事故
於菩提而有退還何以故彼成就大智方便
呪力故余時淨無垢妙淨寶月王光菩薩言
世尊希有希有彼諸菩薩而能不證涅槃復
不以世間煩惱毒之所染世尊我今歸依諸
大菩薩世尊是諸衆生成就諸善根聞此法
已而生一歡喜心世尊彼善男子善女人諸
佛已記若能聞此法門佛言善男子說此法

時五百比丘未證無漏而得解脫彼得解脫
已即從座起偏袒右肩右膝著地合掌向佛
白佛言出尊諸菩薩者可敬可正禮拜佛語
諸比丘如是如是如汝所說今時世尊欲重
宣此義而說偈言

敬禮諸大智

敬禮得無畏

敬禮淨諸目

敬禮親佛子

方便善巧言

及以勝妙智

菩薩大名稱

能過二乘地

如實知諸陰

謂生滅諸等

見世間渴仰

故不證涅槃

善男子云何菩薩摩訶薩離慢及增上慢等

善男子慢者我自亦可若家若姓若色或復

異事金銀等資用象兵馬兵步兵車兵如是

心所有高下者名曰慢我慢者生我身高想
若家若姓若色等或金銀財物倉庫象兵馬
兵步兵車兵如是心喜高意不下諸他者名
曰增上慢菩薩捨如是等法名曰離慢及增
上慢尔時世尊欲重宣此義而說偈言
離慢增上慢
常以慈心念
及常懷悲念

恒怖世間中

常以行乞食

善說人天益

善男子云何菩薩摩訶薩善巧祕密語善男
子若菩薩摩訶薩如來所說諸甚深經中祕
密之教彼不隨說取何者是祕密之教如來
記諸聲聞於阿耨多羅三藐三菩提者非如
所說佛語阿難吾患背痛不隨說取退老患

朽敗爲我訪覓侍者不隨說而取汝目連往
至耆婆醫王所取諸妙藥不應如說取如來
共諸外道尼捷子等諍其諸伎不應如說取
如來佉陀羅刺刺足者是事不應如說而取
提婆達多是如來久遠害者怨家不應隨說
而取如來入舍梨耶婆羅門村空鉢而出不
應如說而取旃遮及孫陀利謗佛者不應隨
說而取須那國毗羅若婆羅門請佛至已食
麥亦不應如說而取余時淨無垢妙淨寶月
王光菩薩白佛言世尊世尊云何記諸聲聞
當得阿耨多羅三藐三菩提佛言善男子吾
記諸聲聞得無上正真正道者以有性故淨

無垢妙淨寶月王允菩薩白佛言世尊云何
諸無漏聲聞斷諸有習煩惱設有性而成阿
耨多羅三藐三菩提佛言善男子吾今說喻
譬如灌頂轉輪聖王有子彼欲學一切伎藝
等事然是中根復非利根彼應後學是先學
應前學彼後學善男子於汝意云何彼以此
事故可說非王子也答曰不也世尊是善王
子善男子菩薩亦尔已成就中根性故修道
門先除諸煩惱障後成阿耨多羅三藐三菩
提善男子於汝意云何彼以此事故可說不
成正覺答曰世尊我不見有衆生若天若魔
若梵若沙門若婆羅門人天阿修羅衆中說

言不成正覺者除一闡提佛言善男子復聽
一喻善男子十地菩薩為斷諸煩惱坐於道
場為不斷答曰世尊以斷故善男子於汝意
云何彼以此豈不成正覺答曰世尊此名為
成佛言善男子此亦如是淨無垢妙淨寶月
王光菩薩白佛言世尊云何告阿難比丘吾
患背痛佛言善男子吾愍念後世眾生故說
此言金剛身諸佛尚患背痛況其餘者然彼
愚癡眾生隨教而取彼既自壞亦壞於他吾
朽敗老退患為我訪覓侍者善男子我此言
亦為後世所說於我滅後後世無弟子故說
沙門婆羅門朽敗老退患者如是以侍者所

加身故彼以佛聽故不生之意爲此密故說
如來朽敗老退患耳世尊云何可取汝目連
往至者婆大醫王所取藥善男子我此言亦
爲後世故說吾諸聲聞必須諸藥知佛聽故
而無有之爲此事故如來所說彼諸愚癡衆
生如所說取如來是患身目連比丘往至者
婆所而不禮拜及不生恭敬速疾之意聞已
忿忿說其藥善男子此亦說諸欲等患證見
法者尚妄何況凡夫世尊云何可取如來共
諸外道屈捷子等諍其諸伎者我爲後世衆
生故說此言如來尚有怨家況其我等然彼
愚癡衆生如實說取如來有怨家等轉輪聖

王微善根故尚無諸怨況如來成就諸功德
截世尊云何可取佉陁羅刺刺如來足如來
亦說過去業報如來尚受過去業報況餘凡
夫衆生爲是事故爲彼因彼緣故示於惡業
爲此義故而示其業果報事然彼愚癡衆生
如實所取佉陁羅刺刺如來足世尊云何可
取提婆達多是善知識復是如來久遠親近
是怨家者善男子若無提婆達多善知識者
不顯如來諸佛功德善男子是以提婆達多
善知識共如來諍伎等道德示怨家等事然
是顯如來諸大智功德善男子若提婆達多
承王教已於大衆中放護財大象此象若往

堪害如來而如來力令降伏善調尔時無量
人衆見彼象調伏已生希有希有心即歸依
三寶所謂佛寶法寶僧寶是名提婆達多善
知識之相然有愚癡之人如說而取提婆達
多者是如來怨家如是五百世中現菩薩行
是提婆達多所示現者顯如來道德然愚癡
衆生隨教而取提婆達多者是如來怨家害
者以是因緣捨身墮阿鼻地獄餓鬼畜生之
處何以故善男子提婆達多者善集諸行善
集諸善根以曾供養無量諸佛於諸佛所種
諸善根及大乘行正學菩提順向菩提不退
於大菩提近阿耨多羅三藐三菩提是諸衆

生偏起惡故於命終後墮阿鼻地獄餓鬼畜
生之中歷受諸苦善男子云何所取如來入
舍黎耶婆羅門村善男子我為愍後世故行
示此教何以故無有業報而對如來然我護
後世故所有乞食比丘入聚落村邑城郭王都
等以薄福力故不得其食彼小時正憶於我
是其佛世尊具足一切功德空鉢而出何況
我等微薄善根我等以是故心不應生退為
此事故如來入村空鉢而出然復所說言魔
波旬治諸婆羅門今不給如來食不應隨說
而取何以故魔無如是神力堪障施如來食
尔時諸佛神力故令魔處處治諸婆羅門及

居士等而如來無有過咎爲顯彼衆生故如
來示現此方便善巧等事尔時如來及諸聲
聞斷食之後魔及魔民并諸餘天觀如來心
是沙門瞿曇及諸聲聞弟子爲憂惱不彼曰
觀如來及諸弟子無有意恨憂惱心已亦不
高不下如前後亦如是尔時彼衆中七千諸
天子以心歡喜歸依於佛如來爲彼善化說
妙法彼聞法已於如來法中得法眼淨如是
如來觀後世事佛無業報世尊云何可取旃
遮孫陀利等以木器置腹上而謗如來荅曰
善男子如來無有業患果報如來成就諸神
通力令旃遮孫陀利過無量恒河沙等世界

令安彼人然是如來方便力故示現業報諸
謗等事於我法中出家者彼被虛謗旣聞謗
已而生憂愁疑悔彼作如是說是如來成就
一切諸白法對面被謗何況我等而不被謗
彼介時忍其諸謗行清淨梵行而不成退旃
遮孫陀利者以惡業所牽乃至夢中謗其如
來謗已捨身墮於惡趣若如來知是可救者
便應救之何以故如來無有衆生而是可捨
者世尊云何可取如來於修羅婆國毗蘭若
婆羅門所請三月安居已惟食其麥荅曰
如來知諸婆羅門居士等請已而不供養如
來知已故往至彼何以故所有五百疋馬者

如來并諸比丘衆食麥彼一切盡修菩薩行
親近過去諸佛是以值惡知識故造諸惡業
以此事生畜生中彼五百馬能調伏護者名
曰曰藏菩薩以願力故生於彼處是諸馬者
以曰藏菩薩所化發菩提心爲化彼故應生
彼處以彼調伏馬師之故彼一切諸馬憶本
宿命而彼現其菩提心善男子如來愍彼五
百馬故往至彼處調伏馬師麥者分半施佛
五百馬所有麥亦分半施諸比丘彼馬師以
馬音聲令彼五百馬令能悔過及禮拜佛僧
等今時彼三說後彼諸馬捨身已生兜率陀
天中彼復生天中而供養如來如來爲彼善

教化說法聞法已即不退阿耨多羅三藐三
菩提彼五百馬所調伏護者如來亦記彼當
成辟支佛号曰善調伏心然復善男子如來
無慈不備不常者善男子設使如來食土木
瓦石等無三千大千世界中有如是味及如
是上味是諸土木瓦石等何以故如來得上
妙味中之味大人之相故善男子以此義故
應如是知如來一切諸食皆上妙味善男子
阿難比丘生憐愍心如來捨轉輪王位今旣
食麥如來知阿難心已施其一麥故語阿難
言汝知是何味彼食已生竒特異想語我言
世尊我生王家長養未曾嘗如是上味以此

上味力故阿難比丘七日受上妙快樂而不復食善男子以此義故應如是知如來無有諸業果報若有衆生淨持諸戒若沙門及婆羅門不隨本請奉施者爲彼衆生說不虛故如來示此業果報事善男子汝觀如來諸身等法是彼婆羅門請如來而不施設如來亦說彼今不退轉然善男子所說彼五百比丘如來記今不退者復次善男子所有彼五百比丘共如來夏坐安居中有四十比丘多念於欲結靜念彼若得美食者欲想欲覺便令熾盛彼以惡食因緣故欲想欲覺亦微旣微已彼七日七夜得阿羅漢果善男子若能如

是解如來所說語者彼名為正解善男子善
薩摩訶薩成就如是名為善巧解如來秘密
說教尔時世尊欲重宣此義而說偈言

所說漸義教

及以頓說者

大智諸菩薩

秘密故正解

善巧諸密語

捨離執說教

通達正說法

諸佛之所說

善男子云何善薩摩訶薩不喜樂聲聞辟支
佛乘善男子若善薩摩訶薩或以地獄苦餓
鬼畜生等受諸重惡而不喜樂求聲聞涅槃
復不念云何得馱離世間心令速得自在亦
不求少欲少作等復不求少欲少作等行因
彼所見諸衆生修諸善業者善薩佐助令成

及勸諸衆生讚歎正說正示向阿耨多羅三
藐三菩提善男子菩薩摩訶薩成就如是諸
功德不喜樂聲聞辟支佛乘爾時世尊欲重
宣此義而說偈言

化衆無疲倦
行慈心等法

不退於菩提

持心如山王

爾時淨無垢妙淨寶月王光菩薩白佛言世
尊如來已說諸法菩薩成就諸法已名為住
大乘然如來不說以何義故名為大乘爾時
世尊告淨無垢妙淨寶月王光菩薩言善男
子吾今問汝隨汝意說善男子於汝意去何
轉輪聖王并四兵衆隨所行者彼道以何說

取咎曰世尊名曰王道亦名大道名無畏道
名無障礙道名爲寂靜道佛言善男子如來
亦尔隨所乘至阿耨多羅三藐三菩提彼乘
名爲大乘名爲上乘名爲妙乘名微妙乘名
曰勝乘名無上乘名無惡乘名無比乘名無
等乘名無等等乘善男子以此義故名爲大
乘答曰善哉大乘世尊善哉大乘尔時魔王
波旬作如是念此沙門瞿曇過吾境界亦令
餘者能過境界若我集四兵衆共往惱亂及
不說此法故至沙門瞿曇所尔時魔王波旬
將領四部兵衆至舍大城耆闍崛山尔時
淨無垢妙淨寶月王光菩薩遙見魔王波旬

取咎曰世尊名曰王道亦名大道名無畏道
名無障礙道名爲寂靜道佛言善男子如來
亦介隨所乘至阿耨多羅三藐三菩提彼乘
名爲大乘名爲上乘名爲妙乘名微妙乘名
曰勝乘名無上乘名無惡乘名無比乘名無
等乘名無等等乘善男子以此義故名爲大

乘答曰善哉大乘世尊善哉大乘今時魔王
波旬作如是念此沙門瞿曇過吾境界亦令
餘者能過境界若我集四兵衆共往惱亂及
不說此法故至沙門瞿曇所今時魔王波旬
將領四部兵衆至舍王大城耆闍崛山今時
淨無垢妙淨寶月王光菩薩遙見魔王波旬

將領四部兵衆來欲爲此法令作妨故見已
作如是神力現神力已魔王波旬至王舍大
城巷衢四道之處作如是聲汝等往至王舍
大城諸仁者若知是如來在耆闍崛山中爲
四部衆說法初善中善後善其義巧妙滿足
白淨說行梵行是故汝等應往如來所是以
汝等於長夜而成饒益快樂今時王舍城中
諸婆羅門刹利長者居士等被魔勸已持諸
香華塗香末香燒香繒幢寶蓋衣服等從王
舍大城出已至耆闍崛山於如來所頭面禮
佛尊重讚歎供養恭敬已却住一面魔王波
旬及四兵衆出王舍大城耆闍崛山中至如

來所已化作天曼陀羅華而散佛上散已及
四部兵衆却坐一面今時淨無垢妙淨寶月
王光菩薩見魔波旬却坐一面而告之言波
旬汝何故將四兵衆至如來所魔言吾至此
爲令滅此法故及惱亂如來故淨無垢妙淨
寶月王光菩薩語魔波旬言波旬何容煩亂
及滅此法汝波旬於如來前今可悔過勿於
長夜成無利益苦報淨無垢妙淨寶月王光
菩薩所順說法已魔即從座起偏袒右肩叉
手合掌禮佛足已於如來前而起悔過願世
尊受我悔過我以愚癡無智慧不善巧不能
自知而如來前起惡心及欲滅如是等經善

哉世尊爲我正受悔過等法佛語魔王波旬
言吾法中增長善根所謂若善男子善女人
爲欲清淨法故令能悔過今時魔王波旬從
座起已在佛前立而白佛言世尊先制一切
諸惱惡口等不善業道佛語波旬如是如是
波旬問曰如來法主何以故波旬名而喚於
我佛言波旬吾今說喻譬如長者及居士大
富財錢無窮然彼人惟有一子愛念深重以
彼繼命爲活然彼一子不善調伏心諂曲彼
長者及居士若手若杖若奉等治或惡言及
苦語惡治爲令息彼惡故波旬於汝意云何
是長者居士瞋恨情治彼一子有惡心不答

曰世尊惟爲成彼一子故佛言如是波旬如
來亦令善知衆生心心數法應以苦惱語調
伏者爲說苦惱語應以檀治者即以檀治應
以撻取者即說撻取言應以色身度者即以
色身度之應以聲香味觸法等度者即乃至
法等度之今時魔王波旬從佛聞此法歡喜
踊躍復更禮佛足禮已白佛言世尊若有村
邑聚落中說是法者我爲聽此法故徃至彼
處及護此經亦念益法師故是中多有如是
瑞相衆則寂定離調戲懈怠等得上勝聽法
之者若讀若誦若受持若解說身不生疲倦
心不起厭足隨所說此法若聽或爲他廣說

如是彼轉生歡喜踴躍心。今時彼衆中有諸
外道尼乾子等。彼見聞此魔王所說語。已於
如來所。即生歡喜踊躍之心。今時尊者阿難
白佛言。世尊。何因緣。故此諸外道。聞說此法
而得證忍。佛語阿難。過去此王舍城耆闍崛
山中有佛。名曰善勝。調伏多陀阿伽度阿羅
訶三藐三佛。隨說法。彼佛說法。已有諸外道
爲惱。故來彼至。已聞此法。即唱善哉。而於佛
所不生敬重心。彼諸外道。以此因緣力。故六
萬劫不生地獄。餓鬼畜生之中。惟生人天之
處。彼諸外道。以不敬如來。故所生之處。不值
善知識。阿難於汝意云。何今時彼諸外道等。



豈異人乎阿難汝不應異意取何以故善男
 子此諸外道尼軋子等阿難今此諸外道於
 如來所生歡喜恭敬踊躍心以此因故如來
 今記得阿耨多羅三藐三菩提今時彼諸外
 道尼乾子等聞受記已心大踊躍即得無生
 法忍說此法時萬二千人遠塵垢得法離眼
 淨二萬衆生未曾發阿耨多羅三藐三菩提
 心而發道意今時尊者阿難白佛言世尊若
 有善男子善女人聞此法讀受持誦廣為人
 說得幾福德佛言若善男子善女人一切無
 餘衆生界令安阿耨多羅三藐三菩提者若
 復善男子善女人讀誦受持及廣為人說此

經是人倍得福德何以故阿難此法能令得
阿耨多羅三藐三菩提一切種智世尊若善
男子善女人於此法及法師起惡心世尊彼
善男子善女人得幾不饒益佛言善男子若
善男子善女人超拔一切衆生目若復有人
於此法及法師起惡心是人因此事得惡復
倍於前何以故阿難此法於一切衆生能作
光明阿難白佛言世尊此法不應不信心善
男子善女人前說何以故世尊應護後世諸
衆生故勿說此法謗法業報故隨諸地獄中
佛語阿難應說此法何以故彼諸衆生於阿
耨多羅三藐三菩提即以此爲因阿難白佛

言世尊此經以何名云何受持佛語阿難此
經名為十法如是受持淨無垢妙淨寶月王
光菩薩所問如是受持如來說此法時尊者
阿難及淨無垢妙淨寶月王光菩薩并諸菩
薩眾比丘眾及諸天人龍王阿修羅迦樓羅
緊那羅摩睺羅伽等聞佛所說歡喜奉行

大乘十法經

服

慳恡下良調戲上徒吊牀榻上床字壓押蚊

虬上音者婆上渠夷及醫人佉陀上


迦刺刺上七賜及盃字針麥字闍提上昌演及

謂貪樂生死不求出簿正作念念七紅及繪

離譯云隨意作

幢
上疾陵及

檣
及知華



猪飼順良寄附

